

TARIKH : 19 DISEMBER 2022  
AKHBAR : BERITA HARIAN  
MUKA SURAT : 12

## Duta bahasa Melayu perkasa wibawa bangsa Malaysia

# Duta bahasa Melayu perkasa wibawa bangsa Malaysia

- Duta bahasa boleh terdiri daripada guru bahasa Melayu profesional, mempengaruhi media sosial, juruhebah, penyanyi dan pelakon mempunyai peminat tegar dan ramai

- Individu dilantik menjadi duta bahasa mesti berpengetahuan luas bidang bahasa dan sastra, berketerampilan, berkeyakinan dan amanah dengan tugas diberikan



Oleh Prof Madya Dr Salmah Jan Noor Muhammad bhrencana@bh.com.my

Mutakhir ini, satu fenomena positif berlaku dalam kalangan rakyat Malaysia apabila mereka mula tertarik mencari istilah bahasa Melayu digunakan Perdana Menteri, Datuk Seri Anwar Ibrahim terutama pada sidang media atau menerusi kenyataan rasmi.

Perkataan seperti cerakin dan damak antara yang viral serta dikongsikan di media sosial dengan pemerang maksud istilah itu kepada masyarakat, walhal perkataan ini sudah tersenarai lama dalam Kamus Dewan namun tidak begitu dibicarakan.

Sebenarnya, jika diamati bahasa Melayu sememangnya kaya dengan peristilahan dan mempunyai ragam bahasa boleh digunakan dalam situasi formal ataupun tidak formal.

Pusat Rujukan Persuratan Melayu @PRPM dikendalikan Dewan Bahasa dan Pustaka (DBP) antara sumber gedung pustaka peristilahan bahasa Melayu yang menjelaskan maksud bahasa 'pelik' tetapi wujud dalam rumpun Melayu.

Dalam pada itu, aplikasi media sosial berkembang pesat seperti Facebook, Instagram, Twitter dan Tiktok adalah pemudah cara untuk mempercepatkan perkongsian maklumat tanpa batasan kepada masyarakat. Namun begitu, di

sebalik kecanggihan teknologi ini, terdapat suatu perkembangan ironi terhadap bahasa Melayu yang dapat dikesan, apabila kerancuan bahasa (rojak) terjadi dan sewenang-wenangnya disambut baik pengguna khususnya belia.

Sekiranya, isu ini tidak dibendung dengan cermat, maka negara akan melahirkan masyarakat pudar jati diri dan berbangga dengan keupayaan mencampuradukkan pelbagai bahasa dalam penulisan dan pertuturan.

### Tidak endah bahasa rasmi

Kedudukan menjadi lebih menyedihkan, apabila masyarakat tidak mengendahkan lagi bahasa rasmi negara sebagai bahasa perpaduan negara bangsa.

Selain kerancuan bahasa, masalah malu untuk berbahasa Melayu juga menjadi isu masih bertapak di negara ini masih belum nampak ia akan berakhir.

Jika pun ada, ia seperti tercetusnya gelombang tsunami dan hanyut di bawah arus besar. Kelompok pengguna berbahasa Inggeris mencipta standard tersendiri sehingga menyebabkan keterasingan dan rendah hati pada masyarakat berbahasa Melayu.

Hal ini menyebabkan mutu bahasa Melayu diperlekeh dan dengan mudah digantikan dengan bahasa asing. Amalan sistem pendidikan berlandaskan dwibahasa juga semakin melemahkan kedudukan bahasa Melayu.

Justeru, di manakah pendirian kita sebagai rakyat Malaysia yang mempunyai bahasa kebangsaan sendiri? Tidak salah menguasai bahasa lain tetapi usah sampai bertindak melu-

pakan bahasa menjadi 'darah daging' kepada semua kaum untuk mencapai kemerdekaan.

Adakah kita perlu menganggu kepala dan mengaku kita sememangnya sudah seperti 'kacang lupakan kulit'? Situasi ini sangat menyedihkan jika dibiarkan terus berlaku tanpa rawatan.

Lanjutan daripada itu, duta bahasa perlu diperkenalkan sebagai satu ejen pemangkin kesedaran isu bahasa dalam negara di samping membantu pemegang taruh menjaga kelestarian bahasa Melayu sebagai pemersatu bangsa.

Di Malaysia, panggilan duta bahasa tidak popular dan jarang di halwa telinga tetapi jika disosialisasi, kehadiran duta bahasa akan menjadi sinonim dengan perjuangan memperkasa bahasa Melayu.

Duta bahasa seharusnya dilantik khas pihak kerajaan dan diserap masuk ke dalam mana-mana agensi kerajaan dan swasta untuk menyemai semula dasar cintakan bahasa kebangsaan.

### Berencana laman luas

Golongan ini boleh terdiri daripada guru bahasa Melayu profesional selain mempengaruhi media sosial, juruhebah, penyanyi dan pelakon mempunyai peminat tegar dan ramai.

Kriteria seorang duta bahasa dapat diteliti sebagai seorang individu mesti berbangsa berbahasa Melayu dan menjivi sastra juga budaya Melayu.

Individu dilantik mestilah berpengetahuan luas berkenaan bidang berketerampilan, berkeyakinan dan amanah dengan tugas yang diberikan.

Duta bahasa perlu bersikap terbuka, bersifat simpatik serta tahan emosi dalam menghadapi cabaran. Penilaian terhadap duta bahasa perlu dijalankan golongan profesional berpengalaman dalam bidang bahasa dan sastra.

Pelantikan duta bahasa bukan bertujuan mengganggu atau merencatkan tanggungjawab sedia ada diberikan kepada pihak Kementerian ataupun Dewan Bahasa dan Pustaka (DBP).

Kehadiran duta bahasa juga tidak dilihat bertindas dengan peranan munisi muda bahasa, yang fokusnya menjaga penggunaan bahasa Melayu oleh penjawat awam dalam urusan rasmi kerajaan.

Malahan dengan adanya duta bahasa, akan dapat melancarkan tugas tidak dapat disempurnakan peneraju utama.

Duta bahasa bukan sahaja bertujuan memastikan dan mempromosi penggunaan bahasa Melayu dengan tepat dan betul tetapi melindungi serta mengembangkannya dengan mengubah mentaliti dan mewujudkan keyakinan terhadap kewibawaan bahasa Melayu sebagai bahasa perantara semua bangsa.

Begaimanapun, tugas melestarikan bahasa Melayu ini bukan sahaja terletak di bahu duta bahasa semata-mata. Sebagai rakyat Malaysia, perlu bercita-cita untuk terus menyemarakkan perjuangan bahasa Melayu.

Sikap putus asa dan merelakan penajihan bahasa terus berlegar perlu dinyahkan walaupun pengaruh globalisasi bahasa terjadi di Malaysia.

“Duta bahasa” perlu diperkenalkan sebagai satu ejen pemangkin kesedaran isu bahasa dalam negara

